

سنة لکی در سعادت ایچون مجیدیه
یکرمی غروش حسابیله التمش
غروشدر

طشره ایچون پوسته احرقتی اوله رق
اون بش غروش ضم اولنور

نسخه سی ۴۰ پاره در

فکر نیکو محاکمات

آبونه اولوق ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرنندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویانی امور عدلیه به متعلقدر

تجربیات

اسکدار بدایت محکمه سی مستعلق اعضائی
در سعادت استیناف محکمه سی اعضا ملازمیندن
فضیلتلو الیاس فخری افندی به
در سعادت استیناف محکمه سی اعضا ملازمیندن
بک اوغلی بدایت محکمه سی اعضا ملازمیندن رفعتلو
حسین حسنی افندی به
بک اوغلی بدایت محکمه سی اعضا ملازمیندن
محکمه تمیز جزا دائره سی ضبط کتبه سندن عثمان ثریا
افندی به تفویض بیورلش ومومی الیهمدن محلف
اولیان عثمان ثریا افندینک ذات شوکتسمات حضرت
خلافتناهی به ودولت علیه لرینه صادقانه حسن ایفای
خدمت ایده جکنه وخلاف ناموس و صداقت ومغایر
عدالت احوال وحرکاتی ده ارتکاب ایلیمه جکنه
دائر بوکره امر تحلیفی اجرا قلمشدر.

تبلیغات

محکمه شرعیه دن ویریلوب منع تجاوز و مداخله نی
متضمن اولان حکمی دائره اجراجه تنفیذ ایدیلان
اعلامدن دولانی محکمه مذکوره جه خرج استیفا
قلمامسندن ناشی نه مقدار اجرا خرجی اخذی لازم
کله جکنده تردد ایدلیدیکندن بختله استفسار کیفیته دائر
موصل ولایتی مرکز بدایت محکمه سی ریاست اولاسندن
وقوعبولان اشعار اوزرینه حکمک تنفیذ ایدلیدیکی بیان
اولنان اعلام ایچون محکمه شرعیه جه خرج استیفا سی
طبیعی اولسنه وتخلیه حقندکی اعلاماته قیاساً دائره
اجراجه بو کبی مقداری غیر معین دعاوی اعلاماتی
ایچون محکمه عائد سنجه استیفا اولنان خرجک برمثلی
خرج اخذی اقتضا ایده جکنه بناء موضوع بحث اولان
اعلامدن دولانی محلی محکمه شرعیه سندن نه مقدار
خرج آلدیغک استفساریله اکا کوره ایفای معامله
اولنق لازم کله جکی انجمن عدلیه دن افاده قلمشدر.

محاکمات مقدماتی

جلیلی جرح ایدرک تعطیل عضوینه سلبیت
ویریدیکی ادعا اولنسنندن دولانی جنایتله اتهام اولنان
خلیلک اوچ سنه مدته کورکه قونلسنه دائر درامه
سنجانی بدایت محکمه سی جزا دائره سندن ویریلان
۳۱۰ نومرولی اعلام

خاجی جلویی قتل وطلاشیجی یناقویی جرح
ایتدیکی ادعا اولنسنندن دولانی جنایتله اتهام اولنان
دیترونک اون بش سنه مدته کورکه قونلسنه دائر
ادرنه ولایتی استیناف محکمه سی جزا دائره سندن
ویریلان ۲۶۸ نومرولی اعلام

صاری خواجه لر قریه لی مصطفائی قتل ایلیدیکی
ادعا اولنسنندن دولانی جنایتله اتهام اولنان محمدک
اون بش سنه مدته کورکه قونلسنه دائر در سعادت
جنایت محکمه سندن ویریلان ۳۴ نومرولی اعلام

قونصال اوبه قریه لی ارسلان نام شخصی قتل قصدیه
جرح ایلیدیکی ادعا اولنسنندن دولانی جنایتله اتهام
اولنان چوبان کاملک اوچ سنه مدته کورکه قونلسنه دائر
سرفیجه سنجانی بدایت محکمه سی جزا دائره سندن
ویریلان ۳۰۴ نومرولی اعلام

ابراهیمی قتل ایلدکری ادعا اولنسنندن دولانی
جنایتله اتهام اولنان چوبان رجب وعبدی ورنجبر
علینک اون بشر سنه مدته کورکه قونلرینه دائر
قره حصار صاحب سنجانی بدایت محکمه سی جزا
دائرة سندن ویریلان ۶۰ نومرولی اعلام

اوخالس و سرکزی قتل وطروس و طانیل و آرتین
و کر قور و ستراتی جرح ایلدکری ادعا اولنسنندن
دولانی جنایت ایله اتهام اولنان دورمش علی و
عثمانک اونبشر سنه مدته کورکه قونلرینه وچرجی
ابراهیم وقره احمد و قدیر وقره علی و حسن ویکنی
خلیل و دیگر خلیل و مصطفی و احمدک ایکیشر ماه
مدته کورکه حبس ایدلرینه دائر ارطغرل سنجانی
بدایت محکمه سی جزا دائره سندن ویریلان ۱۸۲
نومرولی اعلام

قزل قریه لی جمعه نام شخصک اوکوزلرینی و ابراهیم
افندینک اشیا سیله قصر اغنی معامله جبر و شدت اجرا سیله
اخذ و غصب ایتدکری ادعا اولنسنندن دولانی جنایتله
اتهام اولنان عیسی و محمدک اوچر سنه مدته کورکه
قونلرینه دائر اورفه سنجانی بدایت محکمه سی جزا
دائرة سندن ویریلان ۵۳ نومرولی اعلام

حسن الخلیلی قتل و بررأس اینکینی غصب ایتد
کلری ادعا اولنسنندن دولانی جنایتله اتهام اولنان
حسینک بش و احمد و عقیلک اوچر سنه مدته کورکه
قونلرینه دائر بیروت ولایتی استیناف محکمه سی جزا
دائرة سندن ویریلان ۱۰۴ نومرولی اعلام

علی بیرام ملای قتل ایلیدیکی ادعا اولنسنندن دولانی
جنایتله اتهام اولنان مصطفانک اون بش سنه مدته
کورکه قونلسنه دائر دراج سنجانی بدایت محکمه سی
جزا دائره سندن ویریلان ۱۱۶ نومرولی اعلام

صالح و مصطفی و ابراهیمک اشیا راهده اوکلرینه
چیقه رق اشیا سیله و حیوانلرینی سرقت ایلدکری ادعا
اولنسنندن دولانی جنایتله اتهام اولنان حسین و یوسف
و شاکر و دلبر و فوزی و سلیم و محمدعلینک اوچر سنه
مدته کورکه قونلرینه دائر جانیک سنجانی بدایت
محکمه سی جزا دائره سندن ویریلان ۳۳ نومرولی
اعلام محکمه تمیز جزا دائره سنجه تصدیق قلمشدر.

۳۳۵ نومرولی نسخه ده مندرج در سعادت

جنایت محکمه سی اعلامنک بقیه سی :

بوکون کلیدیکی خبر ویریلان النی قادین حضور
محکمه به جلب اولنهرق مذکور سند صورلدقده
کندوسنده اولدیغنی بالیان رومی العبارة برورقه ابراز
ایتمکله مذکور ورقه متهملره اراشه ایدلکده قوچو
ماندولی کندوسی طرفندن ویرلش اولان یوزالتش
ایراق سند اولدیغنی وزیر سنده امضاسی بولندیغنی
وقوچو یا بوده اشو سندی کندوسیده امضا ایتدیکی
در میان ایدیلر.

قرتال قصبه سنده مقیم قوندره جی قرق بش یاشنده

بیولک اهلای دیمتری ولد بنایوط دخی متهملردن قوجو ماندولی نك انشای حریقده خانه سی محترق اولان زوجہ سی الی قادینه یوز عثمانی وبو حریق دعوا- سندن کندوسی قورنارمسی ایچون دعوی وکیلی عزت افندی به التمش فرانسز لیراسی وبره چکنه داتر برسند وبردیکنی ومذکور سندی قرتال توقیفخانه- سنده متهملره کندوسی امضا ایتدیردیکنی بیان وعزت افندیده کندوسنه قورنارمقی ایچون دکل ایشلر نی تعقیب ایچون التمش لیرا وبره چک ایدوکنی وکندوسی دعوانی تعقیب ضمنده قوجو ماندولی نك برادری جوانی ایله التمش لیرا به بازارلق ایتدیکنی ومذکور سندن کندوسنك پاننده امضا ایدیلدیکنی اتیان ایدیلر .

معاون موسی الیهك طلبیه مذکور روسی العباره سندنك مقاولات محررلکنجه ترجمه ایتدیرلمسی ضمنده محاکمک یوم آخره تعلیقته متفقاً قرار وبره لره تشرین اولک اون التنجی جمعه ایرتسی کونی متهملر توقیفخانه دن کتوردیلره درک ضبط سابق مطالعه ایدن وکیللری سمدالدین بك وعلکسان افندی ومدعی عمومی معاونلردن عزتو صادق بك حاضر اولدقلری حالده محاکمه علنیه دوامله هیئتجه قضا تبدیل وقوعه منعی ضبط سابق اوقوتدیرلره درک مندرجاتی طرفین تصدیق ایلدی .

متهملردن قوجو ماندولی طرفندن ابراز ایدلمش اولان سیغورطه علم وخبری ایله قسطنطی انکلی امضالی روسی العباره سندنك مقاولات محررلکنندن مصدق ترجمه لری والی قادین طرفندن کتوردیلان حجت شرعیه واوراق میانده بولنان اطهر قضاسی مال مدیریتنک درکناری اوقوتدیرلرده بولنلردن علم وخبرده قوجو ماندولی نك بیک طقوز یوز اوچ سنه افرنجیسی تشرین نایسنك بکرمی دردنجی کونی وقت ظهردن اعتباراً بیک طقوز یوز درت سنه افرنجیسی تشرین نایسنك بکرمی دردنجی کونی وقت ظهره قدر بیولک اطهده نظام جاده سنده کائن اشخاب براب خانہ نی تمی مستثنا اولق اولق اوزره درت ودرونده موجود اشیانی یکی بیک فراق که جمعا الی بیک فراق مقابلده آجنتسی معرفتیه اسویجره- نك بال شهرنده ک بالیواز حریق سیغورطه قومانیسه سیغورطه ایتدیردیکنی اشعار وسندنك ترجمه سنده دخی قوجو ماندولی نك کانون نایتنک بکرمی طقسوزنجی کونی اخشای یعنی اوتوزنجی کیجه سی محترق اولان بیولک اطهده نظام محله سنده کائن خانه سی اوچوز فرانسز لیراسی مقابلده سیغورطه ایتش اولدیفندن سیغورطه قومانیسه نك مبلغ مذکور تسویه ایتدیکنی انده محترق خانه ده کی حصه سنده مقابل الی پشانی

قادینه یوز عدد لیرای عثمانی ودعوی وکیلی عزت افندی به اجرت وکالت ومعاملات عدلیه اتانسنده وقوعوله جق مصارفه بدل التمش فرانسز لیراسی تأدییه ایتکه بورجلی اولدینی وحت شرعیه ده انکرو بنت یوزفا کینک بیولک اطهده نظام نام حمله واقع ایکی قطعه عرصه سی اورانیه بنت یانی به صاندینی ودرکنارده دخی محترق خانه نك وبرکوجه مقید اولدینی وزمنی دخی قوجو ماندولی نك اولیسوب اورانیه نامه مقید بولندینی ازار قلتمش اولدینی اکلاشلدی .

قرائت ایتدیریلان اوراق مندرجاته قارشو نه دیه چکلری متهملردن صورلدقده قوجو ماندولی محترق خانه لره عرصه سی قائم والده سنك مالی ایدوکنی وقوجو یابو دخی برده چکی اولدینی سرد ایتدیلر . واقع اولان استیضاح اوزرینه طرفین توسیع تحقیقاته متعلق طلبلری اولدینی سوللریله تحقیقات بولندن عبارت ایدوکی بیان اولندقده معاون موسی الیه متهملردن قوجو ماندولی نك کندوسنك اولیان خانه ایله جزئی اشیانی درکندن فضلہ فیتاله سیغورطه ایتدیرلره اشیانی قوجو یابونک خانه سنده قاچردقندن صکره مرقوم قوجو یابو ایله برلکده سیغورطه بدله طمعاً وقصداً مذکور خانہ نی احراق ایتدیکلری خانه نك قوجو ماندولی نك اولدینک اکلاشلمسی وقاچریلان اشیانک قوجو یابونک خانه سنده بولنسی وشاهدلره اخباراتی ودلائل وامارات ایله ثابت اولدیفندن مرقومانک اول وجهله جرمیتلرینه قرار وبرلمسی طلب وادما ایلدی .

متهملردن قوجو ماندولی نك مدافعه سی درعهده ایدن مدافعه وکیللردن علکسان افندی موکلنک علیهنه اقامه اولنان حریق جرمی ایتدیکنه داتر برکونه اسباب تبویه موجود اولدینقی وحریق وقوعوله دینقی استخبار ایدن مأمورین ضابطه محله حریق کیتدیکلری زمان قصده داتر برکونه اثر کورما- مش اولدقلری ومحترق خانه نك درونده بولنانلر دخی برقوقوحس ایتدیکلری سوللکلری سیغورطه بدلی دخی قاحش اولدینقی وبالذری الی قادینه یوز عدد عثمانی التونی ویرمکی تمهید الیسی مزبورنی ضرردن وقایه مقصدیه مستند ایدوکنی ودعوی وکیلی عزت افندی به یبولده مهم بردهوان طولانی اجرت اولق اوزره وبره چک اولان التمش فرانسز لیراسی استکشار ایدیه میه چکنی وموکلنک قوجو یابونک خانه سنده اشیانی نقل ایتدیردیکنی دخی ثابت اوله- مامقده بولندینقی بیان وقوجو یابونک وکیلی سمدالدین بك دخی موکلنک سبب اتهامی خانه سنده قوجو ماندولی به عائد اشیانی بولنسنده عبارت اولوب حالبوکه

مذکور اشیانی قوجو ماندولی نك خانه واشیانی سیغورطه ایتدیکنی زماندن برسنه مقدم موکلنک خانه سنده کتورلمش اولدیفندن مذکور اشیانی سیغورطلی ایتیان اولدینقی وموکلنک مذکور حریق اشاع ایلدیکنی حقتده دخی دلائل غیر موجود ایدوکنی اتیان ایدرک موکلرینک برائتلیرینه قرار وبرلمسی استدعا ومتهملردخی برده چکلری اولدینقی انبا ایتلریله محاکمه نك اختتامی بالتفهیم مذاکره اوپه سنده کیدلدی- تفصیلات مبسوطه دن استنتاج اولندینی وجهله طرفینک ادعا وافادات ومدافعاتی استماع واوراق موجوده ومحکمہ ضبطنامه سی مطالعه وتدقیق وخلاصه ایدیلره درک مندرجاتی استطلاع اولندقندن صکره ایجابی مذاکره اولندقده متهملردن قوجو ماندولی نك محترق خانہ نی حریقدن ایکی یچی ماه مقدم ایکویز ودرونده قاریوله وورو وصدایه وپورغان وساعت وبیولک طولاب کی یوز لیرالی اشیانی یوز فرانسز التونی مقابلده سیغورطه ایتدیردیکنی واشیانک انشای حریقده محترق اولدینقی سولسنه قارشو استماع اولنان شاهدلردن ماطلی محمد وعباس وپیرام ودورفک قوجو ماندولی نك خانه سنده مستأجراً اقامت ایتدیکلری صرعه مرقومک خانه ده بولنان ماصه وآینه وبتاق وپورغان وتیجره وچاشیر کی اشیانی حریقدن سکر اون کون مقدم بررایکشر طاشیوب کتوره درک براسکی پورغان وبرماکنه ایانی وبرچوروک اسکی قاریوله برافش اولدینقی ووقمه کیجه سی یاتمقده لر ایکن آتشک الی نك خانه سندن یاندقلری اوپه به سرایت ایتدیکنی انشاده اویانه رق زقاعه قاچدقلری وسودجی انسطاشکده قوجو ماندولی نك دنیلان خانه نك عرصه سیله برابر سکسان ونهایت یوز لیرا قیمتندہ ایدوکنی وقوجو یابونک خانه سنده قوجو ماندولی نك برقرغان ورتکنه وبرآینه والی عدد صدایه وبرورو وبر مشربسی بولدقلری ولقر کیهانک دخی قوجو ماندولی نك خانه سنک قرق لیرا قیمتندہ ایدوکنی وقوجو یابونک خانه سنده قوجو ماندولی نك برقرغان وایکی تیجره وبرطوه وبر تپی وقرقوسول وراینه ورساعت وایکی لامبه وبرجامکان ومشربه وصدایه لری بولش اولدقلری وحریق سیغورطه قومانیسه مفتشی ارسلان افندیکنده قوجو ماندولی نك اداره خانہ به کلره ک بیولک اطهده سیغورطلی بولنان خانه نك محترق اولدینقی بالیان سیغورطه بدلی طلب ایتمسيله مذکور اطه به کیدرک محترق خانه نك الی لیرا قیمتندہ ایدوکنی ومذکور خانه نك کشف ایتدیرلره واجتیه خبر ویرلره درک ایتی امضا طولایمرق صورتیه ودلال معرفتیه سیغورطه ایدلمش اولدینقی بالتحقیق اکلاشلمسی

وآرابه چیلر کتخداسی علقونک دخی قوجو ماندولی والی نك خانه لرینک هراییکی یوز الی لیرا قدر ایدچکنی والی نك خانه سنده خارجدن کیرلک قابل اولدینقی مع القسم مواجهه اخبار ایتلرینه ومحترق خانه نك خراب والی التمش لیرا قیمتندہ ایدوکنک بالتحقیق اکلاشلمسی ضابطه عدلیه تقریری ومحترق خانه نك زمینی قوجو ماندولی نك اولدینقی حجت شرعیه واطهر قضاسی مال مدیریتنک درکناری مین ومرقوم قوجو ماندولی نك محکمده مجاوبه سنده الی قادینه یوز لیرا وبره چکنی صافلامسی وبعضا دعوی وکیلی عزت افندی به اجرت وکالت اوله رق یوز التمش وبعضا التمش لیرا وبره چکنی سولیلره درک مابان کلامده بولنسی وهنوز کندو- سی طرفندن انشا ایتدیرلریکنی اکلاشلمسی میان خانہ نی سیغورطه ایتدیرمسی ودرونده کی اشیانی قاچرمسی والی قادینه یوز عثمانی وعزت افندی به التمش فرانسز لیراسی وبره چکنه داتر اعطا ایلدیکنی سندن کندوسنه اراده ایدلسی اوزرینه مذکور سندن زرنده کی امضای وسندنك مندرجاتی تصدیق ایتسی والی قادینه یوز لیرا ویرمکی متعبد اولسی حیلہ اعمال ایتدیکنی معان کورنسنه ومدافعاته نقل کلام اولندقده شاذ اوله رق شاهد میخالاک افندیکنی خانه سنده قالسی دخی شایان دقت وقومشوسی الی نك خانه سنده بولنلمسندن بالاستفاده انواع دسایسله وبعجول واسطه ایله اشاع حریق ایدہ ییله چکی امثالیه مثبت بولنسنه وچونکه بالنفجیلرک برقاچ کونده مواد اشعالیه اوزرینه تأثیر ایدچک صورتندہ براوطیه موم یاقوب دیکمک وقوقوسز اجزاتدارک ایتک کی وسائر کونه احوال حیلہ کارانده بولنه کلدکلری درجه تواتره وارمنه وذاتاً بومقوله افعال مضرنک کسنه به کوسرتلرلر شاید مشاهده ایدن اولسه اشاع ایدلامسی لازم کلسنه وبنایه عائد سیغورطه بدلیک قاحش اولدینقی کی اشیان طولانی اولان سیغورطه بدله ده قارشولق براغلمیه رق اشیانک اشورلسنه ومادامکه ذکر اولنان سیغورطه معاملهنده استفاده سی ضمنده نیجه دسایسی ترتیب واجرا ایتشدردر میان اولنان دلائلن حاصل اولان قرینه قاطعه سیغورطه بدلیدن قائده مند اولق ایچون برقریب ایله مذکور خانہ نی یاقدینقی میدانه قومیسنه فی متهملردن قوجو ماندولی نك انکار وتأویلاتی واسباب مشروحه به قارشو کلنک بالجله مدافعاتی غیروارد اولمسه ومرقوم قوجو ماندولی نك بیولک اطهده نظام موقفندہ کائن اولوب نهایت سکسان لیرا قیمتندہ اولدینی خبر ویریلان خانہ نی ایکویز ودرونده کی اشیانی یوز که جمعا اوچوز فرانسز لیراسی مقابلده سیغورطه ایتدیرلره مذکور اشیانی

قاچردقندن صکره سیغورطه بدلیدن استفاده ایتک املیه اوچوز اون طقوز سنه سی کانون نایسنک اوتوزنجی کیجه سی ذکر اولنان خانہ نی قصداً احراق ایلدیکنی وبره چکنه الی قادینه عائد خانه نك دخی محترق اولدینقی تقدیرات وجدانیه وقعات نامه ایله تحققی ایتکه مرقوم قوجو ماندولی نك اولوجهله مجرمیتنه ودیکر متهم قوجو یابونک اشبو حریق ماده سنده قوجو ماندولی به مشارکنده بولندینی اکلاشلمسی مدعی عمومی معاونک مرقومک تجریمه داتر اولان ادعای غیروارد ایدوکنندن قوجو یابونکده برائنه متفقاً قرار وبره درک محاکمه اوپه سنده عودتله قرار مذکور علناً قرائت وییان اولندقندن و برائنه قرار ویریلان قوجو یابو متهم محندن جیقارلدقندن صکره معاون موسی الیه مجرم قوجو ماندولی نك قانون جزانک یوز التمش اوچنجی ماده سنده توفیقاً لعین جزاسی طلب وادما ومدافعه وکیلی علکسان افندی دخی محترق خانه محله خارجنده وطاخ باشند اولدیفندن موکلنک تخفیف جزاسی استدعا ومجرم قوجو ماندولیدہ برده چکی اولدینقی انبا ایتلریله بوبایدکی محاکمه نك دخی اختتامی بالتفهیم تکرار مذاکره اوپه سنده کیدلدی .

جهت جزایه حقتندہ دخی مذاکره کیفیت اولندقده حریق برقصه حالده بولنان اطهده اولسنه ویالکزر اولدینقی الی نك خانه سنک دخی یاتمسيله نمایان بولنسنه کوره مجرم قوجو ماندولی نك حرکتی قانون هایون جزانک یوز التمش اوچنجی ماده سنده موافق وماده مذکور شهر وقصه وقریه درونده مسکون وغیر مسکون هر نوع آینه ایله سفینه لره عمداً آتش وروب احراق ایدن شخص احراق ایتدیکنی بنا ویا سفینه بشقه سنک مالی بولندینی ویاخود کندوسنک مالی اولوده آتشک سرایتله بشقه سنک بنا ویا سفینه سی دخی محترق اولدینقی صورتندہ اگر اشاع اولنان حریق تلف قسسی موجب اولش ایسه فاعلی اعدام وتلف قسسی موجب اولماش ایسه مؤبد کورک جزاسیله مجازات اولنور عبارده سی ناطق اولدیفندن بوماده حکمنه توفیقاً مرقوم قوجو ماندولی نك مؤبد کورک قوتلسنه واعلام وضبط واستتطاق خرچلری اولان جمعا ایکویز غروشک بالتحصیل عدلیه وزمنه تسلیم ایتدیرلسنه اوچوز بکرمی سنه سی تشرین اولنک اون التنجی کونی متفقاً قرار وبره درک اصول تفهیمی انفا قلندی .

میجو ایله میخالک بکدیکر نی ضرب ایتدیکلری اصولاً ثابت اوله مدیفندن برائتلیرینه

صوتیرینک واسیلی ضرب ایتدیکنی اصولاً ثابت اوله مدیفندن برائنه لیغور وعلونک ایلیانی ضرب ایتدیکلری اصولاً ثابت اوله مدیفندن برائتلیرینه حسنک کذاب قادینی ضرب وجرح ایتدیکنی اصولاً ثابت اوله مدیفندن برائنه زنجی اسماعیلک زوجہ سی ضرب ایتدیکنی اصولاً ثابت اوله مدیفندن برائنه خاچ ایله لئونک بکدیکر نی ضرب ایتدیکلری اصولاً ثابت اوله مدیفندن برائتلیرینه استراطی نك یوانک اچقسی سرقت ایتدیکنی اصولاً ثابت اوله مدیفندن برائنه استفوا یله یاقونک ابراهیم افانی جرح ایتدیکلری اصولاً ثابت اوله مدیفندن برائتلیرینه استیلیانوس افندیکنک علقونی ضرب ایتدیکنی ثابت اوله مدیفندن برائنه قسطنی نك خورشید افندیکنک زوجہ سنده حقاتر ایتدیکنی اصولاً ثابت اوله مدیفندن برائنه شهور خانک جاملر نی طاشلادقلری اصولاً ثابت اوله میان پولیس قومیسری محمد افندی ایله چاوش عزت افندیلرک برائتلیرینه یماندی نی ضرب ایتدیکنی اصولاً ثابت اوله میان ایلیانک برائنه حنیفه خانک مجروحیتنه سببت وبردیکنی اصولاً ثابت اوله میان عرب به جی مصطفانک برائنه ملازم مصطفی افندی به حقاتر ایلدیکلری اصولاً ثابت اوله میان قومیسر حسین افندی ایله بکچی یوسف وامینک برائتلیرینه نور خانک خانه سنده جبراً کیردیکنی ثابت اوله میان بکچی اسماعیل افانک برائنه اجرای مأموریت حالده لامبونی ضرب ایتدیکنی اصولاً ثابت اوله میان پولیس چاوشی یوسف افندیکنک برائنه قول اغاسی یوسف بیکک خانه سی طاشلادقلی اصولاً ثابت اوله میان پولیس نر یا افندیکنک برائنه مصطفای ضرب ایتدیکنی اصولاً ثابت اوله میان حواچی شعبانک برائنه رضای ضرب ایتدیکنی اصولاً ثابت اوله میان بیرامک برائنه مصطفی نام چوچنی ضرب ایتدیکنی اصولاً ثابت اولان ابراهیم نام چوچنک ولیسنه تسلیمه خلاف تنبیه سلاح طاشیدینقی اصولاً ثابت اولان آپوستولدن بش بشلک جزای نقدی اخذیه قسطنی نی ضرب ایتدیکنی اصولاً ثابت اولان رنجیر نیقولیدن برلیرا الترق مضروبه اعطاسنه

انتران قادي ضرب ايتديكي اصولاً ثابت اولان
قهوه جي لئونيدنهك اون كون حبسه وجراني يوركينك
دخي حق دخولي اولديني حالده مزبوره نك خانه سنه
كيريكي ايچون التي بشللك جزاي نقدي اخذينه
ومزبوره انترانك مرقوم لئونيدنه مغل ناموس سوز
سويديكي اصولاً ثابت اولديغندن برليرا جزاي نقدي
اخذينه

خلاف تنبيه سلاح طاشه رق اغونينك جاملريني
قيرديني اصولاً ثابت اولان عليدن اون بش بشللك
جزاي نقدي اخذينه

اركرينك جامني قيرديني اصولاً ثابت اولان
عليدن اون بش بشللك جزاي نقدي اخذينه

ابراهيم بن حسيني ضرب ايتديكي اصولاً ثابت
اولان ابراهيمك برهفته حبسه

سرکزي جرح ايتديكي اصولاً ثابت اولان
ضيانك اون بش كون حبسه

يكديكيري ضرب ايتديكي اصولاً ثابت اولان
حق وعثمانك برهفته حبسلرينه

عمر چاوشي ضرب ايتديكي ثابت اولان محمدك
برهفته حبسه

طودورينك اچمه سني سرقت ايتديكي ثابت اولان
خروستونك التي آي حبسه

خليلي ضرب ايتديكي ثابت اولان محمدوعليدن
برالتون النهرق مضروبه اعطاسنه

آته يي جرح ايتديكي تحقق ايدن پريكليكنك التي
ماه حبسه

موسي چاوشه اطاله لسان ايتديكي ثابت اولان
خديجه خانمدين برليرا جزاي نقدي اخذينه

عليك خلاف تنبيه سلاح طاشيديني ثابت اولد
يغندن بش بشللك جزاي نقدي اخذينه

يوانه اطاله لسان ايتديكي ثابت اولان سالم
افنديدن يارم التون جزاي نقدي اخذينه

اجراي وظيفه حالده بوليس عبدالقادر وسعيد
افنديله حقارت ايتديكي ثابت اولان لامبرو

وفرايچسقودن برر التون جزاي نقدي اخذينه

مانولاكينك جامني قيرديني اصولاً ثابت اولان
صادقون اون بش بشللك جزاي نقدي اخذينه

درسعادت ، بك اوغلي واسكدار بدایت محكمه لری
جزا دائره لنجه قرار ويرلمشدر .

اعلان ثابت

انجمنی اداره عدلیه

عدليه نظارت جليله سي دائره سي واسكدار
وبك اوغلي محاکمی دواړی پاپوشچيلقلرله شربچيلك

واتمكجيك و قهوه جيك وصوجيلق وسמידجيك لرينك
مدت الزاميه لری سنه حالیه شباطی نهایتده منقضیه
اوله جغه مبنی تاریخ اعلاندن اعتباراً جمعه وپازاردن
ماعداهر کون بولنرك مزایده سنه دوام ایله کانون نانینك
اون ایکنجی چهارشنبه کونی قرار موقتی اعطا
اولنوب اون طقوزنجی چهارشنبه کونی دخی یوزده
بش ضم قبولیه احاله قطعیه سی اجرا قلنه جغندن
طالب بولنان وشرائطنی اکلامق ایستیانلرك ایام
مذکورهدن ماعداهر کونلرده ساعت التي بچقده
تأمینات اچقه لری حاملاً محاسبه ویا انجمن اداره
عدلیه به مراجعت ایلری اعلان اولنور .

اعلانات شرعیہ احرا دائره سنه :

متوفی حاجی نوری افندی ورثه سنك حواجودیه
وقاطمه راهقه خانملرایله تلغراف مخابره مأمورلردن
حاجی محمد ضیالدين افندی ذمتلرنده قسمت عسکریه
محكمه سندن اعطا قلنمش اولان برقطعه مقتضا
اعلامی موجبجه الاجقلى اولان مبالغ معلومه نك
تأمین استیفاسی ضمنتده سالف الاسامی مدیونلرك
عهده لرنده اولوب دینلری مقابلنده وفاء مفروغ
وفروختی محكوم بولنان قوغه جیلر قربنده روانی
چلی محله سنده سکان باشی زقاغنده واقع اون بش
نومرو ایله مرقم براب وقف حمام دروننده موجود
بین الاصناف حمام کدکی تعمیر اولنور وقف آلات
لازمه معلومه نك اون التي سهم اعتباریه بش سهم
حصه شایعه سی بوندن اول لدی المزایده لیرای عثمانی
یوز غروش حسابیه اون بش بیک بشیوز غروش
بدل ایله طالبی اوزرنده تقرراتمش اولدیغندن یوزده
بش ضمیمه بوندن زیاده به طالب اولنلرك ودها
زیاده معلومات المی استیانلرك اشبو تاریخ اعلاندن
اعتباراً اونوز بر کون ظرفنده درسعادت اعلامات
شرعیه اجرا دائره سنه مراجعت ایلری ایکنجی دفعه
اوله رق اعلان اولنور .

محکمہ تجارت احرا دائره سنه :

شیخ عبداه محمد یمانینك محمد بن اسماعیل ذمتده
با اعلام تجارت محكوم به اولان اله جفنگ تأمین
استیفاسیچون تحته قلعده شیخ داود خاننده موجود
اولوب قبل الحکم حجز ایتدیرلمش اولان یکریمی
چوال ضمع عربی ایله سکز چوال حنا اشبو
کانون ثانی رومینك اون ایکنجی چهارشنبه کونی
ساعت بشدن سکزه قدر محل مذکورده بالمزایده
صائیه جغندن اشتراسنه طالب اولانلرك ودها زیاده
معلومات المی ایستیانلرك یوم ووقت مزبورده

مذکور خانده مأموری مواجهه سنده حاضر بولنلری
محكمه تجارت اجرا دائره سندن اعلان اولنور .

قیصریه بدایت محكمه سی احرا دائره سنه :

قیصریه ده مقیمه قلایحیان متوفی ماردیروس
زوجه سی قادینك قیصریه تجارت محكمه سندن
بالاستیصال ٢٦ تشرین ثانی سنه ١٣١٢ تاریخنده مرسین
تجارت محكمه سی معرفتیه صورت مصدقه سی بالذات
تبلیغ ایتدیریلان ٢٨ ایلول سنه ١٣١٢ تاریخ
و ٨٣ نومرولی اعلام غیسانی موجبجه قیصریه
اهالیسندن اولوب او صروده مرسینده تجارتله
مشغول بولنان مخدوملری قلایحیان کرقرور وقره بت
افندیلر ذمتده یكدیکره کفیل بالمال ایکی یوز کسور
لیرای عثمانی ایله مترام کدشته سنك و بیک ایکی یوز
آلتمشیش غروش مصارف محاکمه سنك تأمین استیفا
سی ضمنتده پدرلری متوفی ماردیروس نامنده مقید
مرقوم کرقروره اصابت وانتقال ایتسی لازمکلان
قیصریه ده واقع معلوم الحدود درت باب اجارتینلی
عقاراتده بشده بر واچ باب املاکده دخی یتیمش ایکی
حصه ده اون درت حصه املاک و عقاراتی قبل الحکم
حجز ایدیله رك حکم مذکور تصدیق ایدیله کله اعلام
مذکورک قطعیت حالی اکتساب ایتسی جهته موقع
اجرایه وضع اولنورق ٢٧ مارت سنه ١٣١٣ تاریخنده
برنجی اخبار نامه سی دخی مرسین بدایت محكمه سی
معرفتیه بالذات تبلیغ ایتدیرلمشده تعقیب ایدیله
یکندن علی حاله قالمش و بیکر داینه مزبوره طرفندن
بالمراجعه قره بت افندی حصه سیله مرقوم کرقرور
افندی به اولان کفالتی استیفا ایدرک ذمتی ابرایلدیکندن
انجق کرقرور افندی حصه سی اولان نصف املاک
تأمین استیفاسی ضمنتده محجوز املاک و عقارات
مذکورده فروختی طلب ایتش ایسه ده مرمرلی
محله سنده واقع بر باب کوچک خانه ده کی حصه سی
مسکن شرعی ترک ایدیله رك دیگر لرینك تاریخ اعلاندن
اونبش کون صکره اصولاً بالمزایده فروخت ایدیله جکی
قرارلشدیرلمش اولدیغندن هم اشتراسنه طالب اولنلرك
قیصریه اجرا دائره سنه مراجعت ایلری همه
اقامتگاهی مجهول اولان کرقرور افندی به اعلام
صورتیه تبلیغ ایدلمش عداولنسی ضمنتده قیصریه اجرا
دائره سندن تنظیم اولان اشبو ایکنجی حجز اخبار نامه سنك
اصول محاکمات حقوقیه قانوننك ٢٦ نجی ماده سنه توفیقا
برسنه سی محكمه دیوانخانه سنه تعلیق ایدیله کی
دیگر نسخه سی ده اوراق حوادلله اعلان اولنور .